



**Lvdovici Molinæ, E Societate Iesv Theologiæ Doctoris, &  
Professoris, Commentaria, In primam D. Thomæ partem**

**Molina, Luis de**

**Lugduni, 1622**

Qvæstio LXI. De productione Angelorum in esse naturæ.

---

[urn:nbn:de:hbz:466:1-73915](#)

est respondendum. Quæ verò tam hac, quam præcedente quæst. dicuntur, plenius intelligentur ex iis que diximus. 1. 2. quæst. 1. artic. 6. &c quæst. 10. 13. & 14. Illud admonuerim in Angelis non esse actus surreptitios, atque indeliberatos, vt sunt in nobis. Quare ex eo capite non dantur in eis actus naturales, vt distinguuntur contra liberos.

## ARTICVLVS III.

Vtrum Angelus diligit seipsum dilectione naturali & electiua.

Amor amicitia, &c. concupiscentia quid.

**V**ANDO alicui volumus aliquod bonum, id cui volumus tale bonum, diligimus amore amicitiae: bonum verò, quod illi volumus, diligimus amore concupiscentiae, sive ergo Angelus sibi velit ultimum finem, sive medium ad illud consequendum, seipsum diligit amore amicitiae. Quia igitur Angelus sibi vult ultimum finem dilectione naturali quod speciem actus: ea verò, quæ sunt ad finem, dilectione electiua, & omnino libera: efficitur, ut seipsum diligit, & dilectione naturali, & electiua.

## ARTICVLVS IV.

Vtrum Angelus naturali dilectione diligit alium sicut seipsum.

Angelus unus quo amore Angeli tunc alterum diligit.

**E**RMO est de dilectione amicitiae, respondetque D. Thomas: Si alius Angelus præcisè spectetur, quatenus est unum secum in specie, diligit cum dilectione naturali quod speciem actus. Si verò spectetur secundum alias circumstantias, potest eum habere odio. Minus tamē naturalis, & necessaria quod ad speciem actus est talis dilectio, qua unus Angelus diligit naturaliter alium priori modo: spectatum, quamne aquila diligit seipsum, proprieatè quod minor sit unitas viuis cuiusque cum altero, etiam illo modo spectato, quam secum, tametsi vtraque dilectio ab inclinatione naturali proficiatur.

## ARTICVLVS V.

Vtrum Angelus naturali dilectione diligit Deum plus quam seipsum.

**V**ESTIONEM hanc discussimus 2. 2. quæst. 26. art. 3. quo in loco similem de homine excitat D. Thomas questionem.

## QUESTIO LXI.

De productione Angelorum in esse naturæ.

## ARTICVLVS I.

Vtrum Angelii habeant causam sui esse.

Ratio ordi-

**A**SOLVTA tractatione de iis, que ad potentias Angelorum pertinebant, differit D. Thomas questionibus sequentibus de illorum creatione. Licet autem hæc quæstio præponenda disputationi de potentia aliqui videri posset, intendens tamen D. Thomas simul explicare, quales emanauerint à Deo, non solum secundum esse naturæ, sed etiam gratiæ, & quales seipso postea per Molina in D. Thom.

**A**sum liberum arbitrium efficerint, ad quod necessaria erat præcognitio potentiarum Angelorum, distulit huc usque disputationem de eorum emanatione à Deo.

In hoc artic. sermo est de causa efficiente esse angelorum. Conclusio affirmat. Angelii efficienter sunt à Deo. Est de fide, vt constat ex definitione Ecclesiæ in Conc. Later. 2. c. Firmiter, de summa Trinitate,

*Angelorum  
Deus est ef-  
fector.*

& fide Catholica: *Vnum est uniusorum principium, creator omnium inuisibilium & visibilium, spiritualium & corporalium, qui sua omnipotenti virtute simul ab initio temporis utramque de nihilo condidit creaturam, spirituali-  
talem & corporalem, Angelicam videlicet & mundanam.* In symbolo Concil. Nicen. *Factorem visibilium & inuisibilium.* Ioann. 1. *Omnia per ipsum facta sunt.* Cū dicat, *omnia, nullum sanè ens aliud à Deo excludit.* Ad Coloss. 1. *In ipso condita sunt universa in celis, & in terra, visibilia & inuisibilia, sive throni, sive dominationes, sive principatus, sive potestates, omnia per ipsum, & in ipso creata sunt.* Ad Heb. c. 1. de Filio Dei ait Paul. *Portans omnia verbo virtutis sue.* Omnia dixit etiam Angelos. Et infra: *Cum introducit primogenitum in orbem terre, dicit: Adorem eum omnes Angelii.* Et ad Angelos dicit: *Qui facit Angelos suis firmatus, & ministros suos flammanigros.* Et infra. *Omnes sunt administratori spiritus, &c.* Rationibus verò à lumine naturali petitis constat ex dictis q. 2. artic. 3. q. 3. artic. 4. quæst. 11. quæst. 44. & 45. artic. 2. & 5. Omne ens aliud à Deo, fuisse à Deo creatum.

## ARTICVLVS II.

Vtrum Angelus sit productus à Deo ab eterno.

**C**ONCLVSTO negat, estque de fide, vt D. Thomas hoc loco, & August. 1. de Civit. Dei cap. 15. affirmat, constatque ex definitione illa citata cap. Firmiter, de summa Trinitate & fide Catholica. Proverb. 8. *Dominus possedit me, antequam quicquam fecerit.* Eccles. 18. *Qui viruit in eternum, creavit omnia simul:* ergo nihil ex aeternitate: cū constet condidisse mundum in principio temporis. Imò ex illo Genef. 1. *In principio creauit Deus celum & terram:* idem aperte colligitur: Idem est enim in principio, atque antequam quicquam aliud produceret. De qua re latius art. sequenti. Ecclesiast. 24. de sapientia genita dicitur: *Primogenitus ante omnem creaturam.* Et ad Coloss. cap. 1. post verba artic. precedente citata ait Paulus: *Ipsa est ante omnes, & omnia in ipso consistunt.*

*Angeli non  
sunt ex aet-  
ernitate prodi-  
gi.*

## ARTICVLVS III.

Vtrum Angelii sint creati ante mundum corporeum.

**E**X Gracis plerique affirmant, Angelos ante mundum corporeum fuisse creatos. In pri-  
mis Orig. hom. 11. in Gen. exponens illa verba: *In principio creauit Deus celum & terram;* quasi sensus sit, *In principio id est, in Filio,* addit: *Non ergo hic temporale aliquod principium dicit, sed in principio, id est, saluatore factum esse dictum celum & terram, & omnia qua facta sunt.* Et infra, exponens verba illa, & factum est vespero & mane dies una, ait, *Nō dixit, dies prima sed dixit, dies una: quia tempus nondum erat, antequam esset mundus.* Tempus autem esse incipit ex sequentibus diebus. Et in illa verba: *Fecit Deus firmamentum.* Cū, inquit, iam ante à Deo fecisset celum, nunc firmamentum facit. *Fecit enim celum prius de quo dicit: Celum mihi sedes est: post il-*lud autem firmamentum fecit, id est, corporeum celum.

*Ecc 2 omne*

omne enim corpus sanguinem est sine dubio & solidum: & hoc est quod dividit inter aquam que est supra cælum, & aquam que est sub cælo. Cum enim ea que facturam erat Deus, ex spiritu constarent & corpore, ista de causa in principio & ante omnem cælum dicit facit, id est, omnis spiritualis substantia, super quam velut in throno quodam, & si de Deo requiretur, illud autem cælum, id est, firmamentum, corporeum est. Et ideo illud quidem primum cælum, quod spiritualis diximus, mens nostra est, que & ipsa spiritus est, id est, spiritualis homo noster qui videt ac respicit Deum. Quibus verbis etiam redolent creationem animalium nostrorum fuisse ante mundum corporeum. Præterea tractatu 9. in Marth. exponens verba illa: Erunt primi nouissimi. Vide, inquit, si potes dicere primum genus esse angelorum, quasi honorabilius hominibus, qui nouissimi pro Angelis esse videntur. Nam sicut scriptum est in Iob. Quando facte sunt stelle, laudaverant eum omnes Angeli eius, quasi antiquiores, non solum homine post creato, sed & omni creatura proper eum creata. Et sic audebit aliquis dicere, quod multi Angelorum, qui priores fuerunt hominibus, efficiuntur inferiores quibusdam hominibus. Hæc Origenes.

Deinde Basilius homilia 1. in Hexaëmeron, De Æs, inquit, enarratur. Moses, quia ex tempore sortita sunt vi essenti necessario, certe ex tempore condito, hanc prætextu vocem, in principio, nec tamen absimile vero fuerit credere, suisse quiddam, vel ante mundi istius constitutionem, id quod arcana quadam animi contemplatione licet intelligi, tamen ei has de re nibil in literas Moyses transmisit, quod rei tanta cognitio parvus idonea videvetur istis parvulis, qui lacite dum doctrina initiandi rudimentorum fidei veniunt, & inserviunt. Erat sane status quidam mundi generatione superior abstractis illis à concretione materie potentissimo mundo prestantioribus pro decoro accommodatus, tempora etiam conditione antiquior, eternus nimurum, ac perpe. Creaturas autem in ipso creator omnium, atque opifex perfecti, lucem spiritualalem eorum beatitudinem accommodam, qui Dominum amant naturas rationis, ut maxime predicas, atque inuestigabiles, omni, quae beatorum mentium ordines, quotquot nostra mentea quantumlibet dixeris, facultatem exuperant, quorum ne nomen clatus, quidem possumus innuere. Et haec substantiam complevit mundi illius initib[us], ut & ipsius instrumentum doctore Paulo. In ipso, ait, condita sunt omnia sive visibilia, sive invisibilia, sive Throni, sive Dominationes, sive principatus, sive potestates, sive Virtutes, sive angelorum exercitus, sive Archangelorum preficie. Tum demum connuebat his conditus mundus et accederet, & adiungetur, corporis scilicet, ut latè exponit.

Gregorius etiam Nazianenus oratione 38. de Natiuitate: Primum, inquit, angelicas & coelestes virtutes cogitauit, atque illa cogitatio opus erat, quod Verbo consiciebat ac Spiritu explebatur. Atque ita secundum splendores procreari sunt, primi splendoris ministri, &c. Addit: Sic igitur, atque ob has causas intellectualis mundus ab eo creatus est, quantum quidem ipse de his rebus philosophari quo, exigua oratione res magna expendens. Postquam autem primas creationis partes præclarè constitutas vidi, alterum mundum materia constantem, & spectabilem cogitauit, hanc nimurum ex cælo, & terra, & rebus, que eorum complexu continentur coagulationem, & concretionem, &c. Idem docet in carmine Iambico 15.

Gregorio Nazianeno subscrift Darnacenus 2. lib. fidei Orthodoxæ cap. 3. vbi, Nonnulli, inquit, ante omnem creaturam factos Angelos, ut diuiniloquus dicit Gregorius, & primum quidem Deum cogitasse angelicas & coelestes virtutes, & eius cogitatione opus fuisse. Alij autem post primum cælum factum. At quod ante

A hominis plasmationem creati sunt, concordant omnes. Ego vero de te quo Gregorio accedo. Nam par fuit primum intellectualem substantiam creari, atque sic sensibilem, & runc ex virisque hominem.

In eadem sententia videtur esse Chrysostomus lib. 1. de prouidentia, cum sic scribit: Post angelorum creationem fecit hominem mundumque omnem.

In eamdem sententiam aperte beatus Maximus in Centuriis Theologicis, quem refert, & sequitur Ioannes Cyparissioris decade 8. rerum theologicorum c. 3. & 4. Denique tam communis inter autores Græcos fuit hac sententia, vt Cassianus collatio- B ne 8.c. 7.ex Abbate Sereno hec verba refererat: Ante conditum huius visibilis creatura spirituales, celestes que virutes Deum fecisse, qua pro hoc ipso quod seru- se ad tantam beatitudinem gloriarum beneficio creatoris ex nihilo fuisse producias, perpetuas ei gratias referentes in- desinenter eis laudibus inhaerent, nemo fidelium du- biatur. Quibus multa in eandem sententiam subiungit Cassianus ex eodem Abbat. Porro D. Tho. hoc loco in responsione ad primum his verbis Cassia ductus videtur, vt alteraret, Græcos omnes concorditer sen- tire angelos ante mundum corporeum fuisse creatos. Cū tamen multi ex doctoribus Græcis, ut statim referemus, sint qui contraria sententiam affirmet.

Ex Latinis etiam non pauci eamdem sententiam secuti sunt. Hilarius 12. de Trinitate verius finem. Angelorum, inquit, origo terra creatione reperitur antiquior: idem repetit in libro contra Auxentium Arianum.

Ambrosius in Hexaëmeron cap. 5. Factus est, inquit, mundus, & caput esse qui non erat, sed Angeli, & si aliquando esse coepirini erant tamen quando hic mundus est factus. Et in prestatione in psalmos, Laudant, inquit, Angeli Dominum, & ante ipsum mundi ini- tium Cherubim & Seraphim cum suavitate canore vo- cies dicebant. Sancti us, sancti, sancti.

Hieronymus in epistolam ad Titum cap. 1. in il- la verba: Ante tempora secularia, sicut, ut videtur, se- cutus magistrum Gregorium Nazianenum sic ait, Sex millia nondum nostri temporis complentur annu- rum, & quantitas tempora, quantumque seculorum origines fuisse arbitrandum est, in quibus Angelii, Throni, Domi- nations, certeque ordines Deo seruerunt.

Isidorus lib. 1. de fummo bono cap. 12. senten- tia 4. Ante omnem, inquit, creaturam mundi creata sunt Angeli. Beda item in libello separatum quatuor- num q. 9. ita loquitur: Angeli ante creationem mundi creatis sunt, & ante omnem creationem Angelorum dia- bolus est conditus.

Suaderi potest hæc sententia primò. Ex eis verbis ad Titum 1. In istam vitam æternam, quam promisisti, qui non mentitur, Deus ante tempora secularia, id est, ante mundi sensibilis constitutionem, cū ergo, quod promittitur, alleui aut aliquibus promittatur, conve- quens est, ut antem mundi constitutionem fierint An- geli, quibus Deus vitam æternam hominibus per Christum conferendam promisit: promissio namque rei intellectu prædicta sit, nec alia quam ange- lis, aut mundi constitutionem intelligi valer. Idem signficare videvit illud 2. ad Tit. 1. Qui nos libera- nit, & vocavit secundum propositionem suum, & gratiam, qua data est nobis in Christo Iesu, ante tempora secula- ria, manifestata autem est nunc per illuminationem Sal-uatoris nostri Iesu Christi: sicut ergo ex sententia Pauli seculum non seculare, nempe angelorum ævi, ut ante secula huius mundi, in quo Deus angelis promisit gratiam per Christum hominibus communicad. Secundo ex illo Iob. 38. Vbi eras quando ponebam sibi Sicut

*& iubilarent omnes filij Dei: quem locum exponunt sancti Patres de angelis sanctis, qui, dum Deus mundum hunc visibilem fabricabat, admirantes sapientiam & potentiam illius in operibus, quæ moliebatur, laudabant Deum, iubilabantque tñæ sapientia, potentia quæ spectaculo: cum ergo creatio terra, atque in media mundi sede locatio, fuerit statim à principio fabricæ mundi huius sensibilis, fit, ut creatio angelorum totam fabricam huius mundi antecellerit.*

*Tertia.* Tertio, ex illo Job. 40, de Behemoth, hoc est, Lucifer, de quo dicitur *ipse est principium viarum Dei*, id est, qui primò à Deo creatus est: ergo fuit creatus ante mundum corporeum.

*Quarta.* Quartò, ex illo Ecclesiastici 1. *Prior omnium creata est sapientia: quod intelligi nequit de Filio qui est sapientia increata: intelligentum ergo est de Angelis, qui ante omnes alias creatureas sunt producti. His accedit, quod ratio videtur flagitare, ut sicut angeli dignitate res corporales antecedunt, ita sint ante eas conditi. Item quia vt Cassian. loc. cit. ait, *Incongruum est sentire Deum in innumeris seculis, qua ante rerum corporearum creationem præcesserunt, ab omni prouidentia, & dispensatione fuisse otiosum, neque habuisse, in quos sua bonitas exerceret beneficia.**

*Gennadij & quorundam aliorum sententia.* *Communis An- gelos simul cum mundo corporeo con- ditos esse.* *Vt missam faciamus sententiam Gennad. cap. 10. de Ecclesiasticis dogmatibus tertio tomo operū Augustini, & quorundam aliorū, afferentū, angelos crea- tos quidem fuisse ante hominem, & ante opera quæ Gen. 1. facta narrantur, postquā Deus dixit, *fiat lux:* attamen creatos fuisse post eundem & terram, in ea mora, in qua terra erat inanis & vacua, & tenebrae erant super faciem abyssi: quā sententiam reicit Damasc. loc. citat. Pratermissis item quibusdam aliis munis probabilibus sententiis: Communis scholastico- rum sententia cum Magistro in 2. d. 1. & D. Thom. hoc loco, est, angelos creatos fuisse simul cum terra & cœlo empyreo, atq; adeò nec creationem angelorum fuisse priorem creatione mundi corporae, nec; hanc fuisse priorem angelorum creatione. Eādem ex Græcis afferuerunt Epiphan. tom. 2. contra hærefes ferè in princip. heret. 6, contra Paulū Samosatensem his verbis: *Cū cœlo & terra simul angelii facti sunt. Nisi enim vñ à cum cœlo & terra angelii quoq; creatis es- sent, non vñq; dixisset ad Job. Quando genita fuerū sy- dera, laudauerunt me omnes angelii mei.* Et infra: Clare, inquit, indicat Scriptura, quod neque post sydera facti sunt angelii, neque ante cœlum & terram, cum palam intrâmutabile sit diuinus hoc quod ante cœlum & terram nihil erat ex creatis. Nam in principio fecit Deus cœlum & terram: ut principium sit, & nihil ex creatis ante hoc ipsum sit. Hac Epiph. Theodoret. q. 3. in Genes. multi citant etiam Athanasium q. 3. ad Antiochum, nihil tamen ea de re dicit. Sixtus Senens. lib. 5. bibliotheca annotatione 5. citat etiam Acacium Cæsariensem Episcopum, & Diodorum Tharsensem Episcopum.*

Ex Latinis verò eamdem affirmarunt August. 11. de Ciuit. Dei cap. 6. & 9. Greg. 32. Moralium cap. 9. iuxta impressionem Parisiensem anni 1571. Et iuxta verutissimum c. 10. eiusdem libri 32. Et plerique alii. Possunt forte pro eadē sententia citari Beda, & Isidorus, locis supra citatis, qui eodem prorsus modo loquuntur, & ideo satis erit eorum alterum referre. Isidorus vbi supra licet sententia tertia, sic loquatur, *Ante omnem creaturem angelii facti sunt: addit tamen, dum diuinum est, fiat lux: de ipsis enim dicit scriptura: Prior omnium creata est sapientia: lux enim dicuntur: participando luci aeternæ. Sapientia verò dicuntur, inge- nite inherendo sapientia. Item licet sententia quarta dicat, Ante omnem creaturem mundi, creati sunt ange-*

*Aelma in D. Thom.*

*A* li, addit: *Et ante omnem creationem angelorum diabolus conditus est, scilicet scriptum est, Ipse est principium viarum Dei. Vide ad comparationem angelorum archangelus appellatus est. Primus enim creatus extitit ordine prelationis, non temporis antiquitate. Et sententia septima: Prius, inquit, de cœlo cecidisse diabolum creditur, quam homo conderetur: nam mox, ut factus est, in superbiam erupit, & precipitatus est de cœlo. Ecce Isidorus, & Beda de prioritate prælationis, non durationis loquuntur, & dum affirmant angelos creatos fuisse, dum dictum fuit, *fiat lux*, item cecidisse de cœlo, antequam homo conderetur, moxque diabolum, ut factus est, in superbiam erupisse, manifestè sentiunt angelos non fuisse creatos, antequam Deus cœlum & terram conderet.*

Probari potest, angelos non fuisse creatos ante mundum corporeum, primò, & potissimum ex illo Genes. 1. *In principio creavit Deus cœlum & terram.* Cui testimonia Epiphanius, Augustinus, & plerique alii potissimum innituntur. Etenim licet inter sensus literales computari possit, & debeat sensus ille, *In principio, id est, in Filio, creavit Deus cœlum & terram*, quatenus idem Scriptura locus habere optimè potest multos literales sensus, ut q. 1. art. 10. ostendimus, attamen, vt ibidem diximus, hic aliud, *in principio, id est, ante omnia*, seu in exordio, habēdū est pro indubitate: è quod plus hunc, quām illum alium, textus facit p̄ḡ le ferat: id quod in tractatu de opere sex dierum disputation. 6. clarius ostendetur: fit ergo, vt angelī conditi non fuerint ante cœlum & terram, sed simul: alioquin non cœlum & terram, sed angelī facti dicerentur in principio, id est, ante omnia, vt August. & Epiph. argumentatur. Et meo iudicio licet tamquam literalis sensus admitti possit, & debeat, quod Deus in principio temporis creaverit cœlum & terram, vt in tractatu de opere sex dierum disput. 6. & 7. dicimus, in eoque sensu Lateranense Concilium fuerit locutum, non tamen ita vt prior sensus negati possit, aut debeat literalis esse, & fuisse intentus ab Spiritu Sancto, de qua re loco citato fusior erit lermo. Confirmari potest hæc expostio ex illo Prouerb. 8. *Dominus posedit me in initio viarum suarum, antequam quicquam faceret à principio.* Ab aeterno ordinata sum, & ex antiqua, antequam terra fieret, nondum erant abyssi, & ego iam concepta eram. Quo in loco afferens diuinam sapientiam, scilicet Dei esse possessionem, antequam quicquam faceret, id explicat dicens, antequam terra fieret, & antequam el- fent abyssi, quasi ante terram & aquarum abyssum, de quibus Genes. 1. dicitur, *In principio creavit Deus cœlum & terram, & tenebrae erant superfaciem abyssi,* nihil omnino à Deo fuerit conditum.

Secundò idem probatur ex illo Ecclesiast. 18. *Qui vivit in aeternum creavit omnia simul, creatione vide- licet propriè dicta, quia aliquid ex nihilo producitur. Quæ enim Deus Genes. 1. post cœli, terræ, & abyssi productionem, creasse dicitur, non de nihilo, sed de aliquo produxit, ac proinde productio eorum non fuit creatio propria, quin potius ea omnia quoad substantiam, seu materiam, producta fuerunt à principio, vt Greg. lib. 32. Moral. cap. 9. adnotauit. Habet tamen locus ille Ecclesiastici varias alias expositiones, sed certè expositio Gregorij citata, quæ etiam est aliorum, optima censerit debet.*

Tertio ex illo ad Colos. 1. *In ipso condita sunt uni- versalia in celis, & in terra, visibilia, & invisibilia, scilicet throni, scilicet dominationes, scilicet principatus, scilicet potestates, omnia per ipsum. & in ipso creata sunt, & ipse est ante omnia. & omnia in ipso consistunt. Connumetans autem con- dita in celis, ait, scilicet throni, scilicet dominationes, &c. fit*

*Ecc 5 ergo*

ergo ut angeli in celo sint conditi, ac proinde non ante celum & mundum corporeum.

Quarto, ex illo Genes. 2. Et requieuit Deus die septimo ab vniuerso opere suo quod patravat: sit ergo, ut sex præcedentibus diebus vniuersa opera sua patravit, ac proinde ut angelos etiam illis diebus condiderit, ut August. 11. de Ciuitate Dei cap. 9. colligit.

Quinto, Angeli post mundum corporeum factum peccauerunt in celo, ut constat ex illo Apocal. 12. de dracone. Et cauda eius trahebat tertiam partem stellarum celo. Et infra: Et factum est prælimum magnum in celo, Michael & angelus eius prælabantur cum draconem, & draco pugnabat, & angelus eius, & non valuerunt, neque locus inueniens est eorum amplius in celo, & proiectus est draco ille magnus, & serpens antiquus, qui vocatur diabolus & Satan. Et ex illo Luc. 10. Videbam Satanam sicut fulgor de celo cadentem: peccauerunt autem ante ruinam primorum parentum, ut constat, quoniam diabolus serpens antiquus Euæni seduxit. Iaia 14. Quip modo cecidisti de celo Lucifer, qui mane oriebaris? Cum ergo ex communi Sanctorum sententia peccauerint statim post sui creationem, ut ex Isidoro, & Beda suprà relati est, mox quippe ut diabolus creatus est in superbiam erupit, efficitur, ut angelii non fuerint creatante celum & mundum corporeum. Confutatur haec ratio, quoniam demones statim, ac peccauerint cruciati sunt igne inferni, qui ut Christus Matth. 25. ait, parvus est diabolus, & angelus eius: ergo ignis inferni fuit statim ac angelii peccauerunt, atque adeò mundus corporeus iam erat, quando angelii lapsi sunt: cum ergo ex Patrum sententia modica mora fuerit inter angelorum creationem, & corundem peccatum, efficitur, ut angelii creati non fuerint ante mundum corporeum.

Deinde quod angeli conditi non fuerunt ante mundum corporeum videtur aperte affirmare Sophronius in sua epistola, quæ habet in 6. Synodo actione 1. suscipiturque ut orthodoxa à toto Concilio actione 13. Ait namque: De principio visibilis mundi, & constitutione, que facta est, confiteor, quod omnia, non tantum visibilia, sed & inuisibilia, unus Deus condidit, Pater, & Filius, & Spiritus sanctus, illa sempiterna natura, quæ nescit exordium, & ex non existentibus protulit ut existentes, & non existentes repente produxit, & horum multorum millionum differentias prudenter produxit. Omnia enim per unigenitum Filium Pater in Spiritu sancto fecit, quæ & sapienti prouidentia continent ut Deus suis operibus per se dicens, principiumque omnibus temporali constitutus, sensibilia quidem fini temporali supposuit, intellecchia vero & inuisibilia haec meliori dignitate dignatus est, & nullatenus quidem moriuntur, neque corrumpuntur, iuxta quod sensibilia defluant, atque pertransirent. Hactenus Sophronius.

Longe apertior est definitio Ecclesiæ in Concil. Lateranen. 2. c. Firmiter, de summa Trinitate & fide Catholica, vbi Innocentius tertius cum vniuersa synodo in hunc modum definit: Firmiter credimus, & simpliciter confitemur, quod unus est solus verus Deus, unus vniuersorum principiū, creator omnium inuisibilium & visibilium, spiritualem & corporalem, qui sua omnipotenti virtute simul ab initio temporis, veramque de nibilo condidit creaturam, spiritualem & corporalem, angelicam videlicet & mundanam, ac deinde humanam quasi communem ex spiritu & corpore constitutam.

Dubium vero est, vtrum post tam apertam Ecclesiæ definitiō, error sit hodie in fide asserere, angelos conditos fuissent ante mundum corporeū. Multū sunt qui affirmant, id non esse errorem in fide. Et in primis D. Thom, hoc loco, qui licet longè proba-

bilius, & omnino verū existimet, angelos simul cum mundo corporeo fuissent conditos, addit: Quoniam contrarium non sit reputandū errorum, præcipue proper sententiam Gregorij Nazianzeni cuius tanta ejus in doctrina Christiana autoritas, ut nullus emquam eius dictis calumniam inferre presumperit, sicut nec Athanasij documentis, ut Hieronymus dicit. Non defuit qui arbitretur, dū D. Thom, hæc scripsit, non meminisse definitionis Concil. Lateran. Si nāque illius recordaretur, sanè mentionem aliquam de ea fecisset hoc loco, rationemq; reddidisset, quare, nihil obstante definitione illa, contrariū non esset error in fide. Alij contrā obiciunt D. Thom, edidisse opusculū 23. quod nihil aliud continet, quād expositionē decreti Concil. Lateran. quare verisimile non est dum hæc scripsit, definitionē illam in mente ei non venisse. Canus negasse fertur opusculū illud esse D. Th. ac sanè in eo opusculo aperte confet D. Thom, verba, quæ ex Concil. Lateran. retulimus, definitionem esse fidei, non quidē occasione dirimendi controvēsia, de qua nobis modò est fermo, sed occasione excludendi errorē Origen. sanctitatem. Dum enim ad expōnēda verba, quæ ad rem præsentem faciunt, deuenit, sic ait: Alius fuit error Origenis ponēt, quod Deus à principio creauit solum spirituales creature, & postea, quibusdam earum peccantibus, creauit corpora, quibus quasi quibusdam vinculis spirituales substantia allegantur, ac si corporales creature non fuerint ex principiis Dei intentione productæ, quia bonum est eas esse, sed solum ad puniendum peccatum spiritualium creature, cum tamen dicatur Gen. 1. Videlicet Deus cuncta que fecerat, & erant valde bona. Vnde ab hoc excludendum, dicit concilium, simul ab initio temporis vtrumq; de nibilo condidit creaturam spiritualem & corporalem, angelicam videlicet & mundanam. Hactenus D. Thomas. Confet ergo illam esse definitionem fidei, ut & ceteras, tam præcedentes, quād sequentes eiusdem decretalis, quam exponit, at esse definitionem contra errorem Origen. In quo ergo alio precor, error Origen. verbis illis damnatur, nisi quia tamquam certū in fide definitur, angelos non fuissent creatos ante mundum corporeum, sed sicut cum illo? Certe in nullo alio, nec verba illa aliam definitionem sonant. Et ea definitio funditus euertit errorē Origenis, quod supponit Angelos ante mundum corporeum fuissent conditos. Licet ergo definitio illa sancta non fuerit occasione dirimendi controvēsiam, de qua hoc loco disputamus, sed euertendi ac damnandi errorem Origen. cum tamen peraccidens dirimit. Ex his cōstat, quod opusculū illud potius probat D. Thom, fuisse arbitrari errore esse in fide post eam definitionem asserere angelos ante mundum corporeum fuissent creatos, illiusq; definitionis fuisse oblitum, dum hoc loco scriberet, quād quid in contraria sententia fuerit, & idcirco quidam ex discipulis D. Thomæ, ut non obstante definitione Concil. Lateranen. doctrinam D. Thom, hoc loco defendat, potius negant opusculū illud fuisse D. Thom, quād ex iis, quæ in eo docet, confirmare audeant, non errare in fide, qui post Lateran. Concil. alteraret, verā eis sententiam Graecorum. Hac dixerim, quia sunt, qui violenter trahere conentur opusculū illud D. Thom, ut contrarium probetur.

Caietanus hoc loco, & Canus (tametsi ablique perfecta firmitate 5. de locis c. 5. ad finem quæst. 4.) sententiam illa Concilij non cōtinere fidei definitionem ea in parte, sed obiter esse intertra præcipuā definitionem, quam Concilium intendebat, quod nimis nec angelī, nec res corporalē ab extero fuerint aduersus Peripateticos & Chaldeos. Vterque

Vterque tamen addit, longè probabilius, fideique Catholicae consonantius esse, Angelos non fuisse conditos ante mundum corporeum, contrariūmque addit Canus, non posse iam hodie defendi sine reineritatis nota, ne quid amplius addat: Caietano subscrībunt Sixtus Senensis lib. 5. Bibliotheca annot. s. & alij ex iunioribus discipulis D. Thomæ, ut alios omittam, qui, non sine violentis dicta decretalibus Lateranensis, & epistola Sophronij expositionibus, contendunt fas esse hodie adhucere illorum Patrum sententia, qui asserterunt Angelos ante mundum corporeum fuisse creatos. Quin & Epiphanius, vt idem sentiat, perducere conantur.

Suaderetur primo.

Potest horum Doctorum sententia confirmari primò. Quoniam durum admodum videtur, Patres Concilij Lateranensis quicquam aduersus tot grauissimorum Patrum sententiam voluisse constitvere tamquam fidei documentum, præfertim cum in Scripturis sacris nullum sit solidum fundamentum, vnde id possit definiri: & cum August. 1. de ciuitate Dei, cap. 32. & Theodoreto quæst. 3. in Genesim affirmaret, posse sine errore in fide defendi, Angelos ante mundum corporeum fuisse conditos, modò non assereretur, fuisse conditos ex exterritate: Ecclesia autem nihil sine fundamento definit, præfertim cum assistentiam Spiritus sancti non habeat ad condendas Scripturas sacras, sed solum ad deducendum ex iam antea reuelatis, & ad explicanda, quæ reuelata sunt, atque ad constituendum quid in Ecclesia sentiri debeat.

Secundò, quoniam ante Ferrariensem secundo contra gentes, cap. 93, nullus Scholasticorum in tribus centenis annorum, que à Concilio Lateranensi usque ad Ferrariensem fluxerunt, tamquam errorem damnauit, Angelos conditos fuisse ante mundum corporeum.

Qui sententia estorem esse in hac diversi Angelos ante mundum fuisse conditos.

Contra videtur verum Ferrariensi loco citato, quibusdam ex Salmanticensibus, nonnullisque aliis viris doctis, qui commentarios in primum caput Geneeos nostris temporibus ediderunt, nempe post definitionem Concilij Lateranensis errorem esse asserere Angelos ante mundum corporeum fuisse conditos. Quæ sententia mihi fanè vera videtur: tum quod testimonia Scriptura, quibus ostendimus, Angelos simul cum mundo corporeo fuisse conditos ( si expandantur, vt nos ea expendimus, & corroborauerimus) sufficientissima proculdubio videantur, vt Ecclesia id definiat: tum etiam quoniam re vera verba Concilij Lateranensis definitionem fidei aperte sonant, qua Concilium errorem Origenis, vt D. Thomas, vel quiuis illius opusculi 23. autor, exponebit, damnum intendit: eo autem errore ex eo capitale everso, quod Angeli conditi non fuerint ante mundum corporeum, vt ex Scripturis sacris aperte constat, per accidentis occasione erroris. Origenis effectum est, vt sententia illorum Patrum post eam definitionem error esset in fide. Ac fanè si similibus expositionibus integrum esset, vel testimonio aperta Scriptura sacra, vel definitiones Ecclesiæ adeò apertas eneruare, omnia facile ruerent, nulliusque redderentur vigoris. Nec dubito, quin si D. Thomas non asseruerit sententiam illorum Patrum non esse, vt erroniam condemnandam, numquam Caietanus dicturus hoc loco esset, oportere definitionem illam Ecclesiæ, magis iuxta Concilij intentionem quam iuxta sensum verborum interpretari. Imò nō dubito, quin sectatores omnes D. Thomæ vno ore forent asseratur, sententiam illam post eam definitionem errorum esse in fide.

Verum cum tam multi viri docti asseruerent, il-

A Iud non esse definitionem Ecclesiæ, esto quis sibi persuadet id esse definitionem, & idcirco contrarium esse hodie errorem in fide, condemnandus is non est, vel heres, vel erronea sententia, qui affirauerit Angelos ante mundum corporeum fuisse creatos, sed solum temeritatis ( à qua nullus videatur hodie excusandus ) quoique haec nostra, Ferrariensis, & aliorum sententia communis si in Ecclesia.

Ad primam ergo probationem, qua per contraria probabatur, dicendum est in primitus, Patres illos, si attente legantur, non tam testimoniis Scriptura faciat ductos ( neque enim ullum est, quod vel mediocrem probabilitatis speciem pro ea sententia inducere possit ) quam doctrina Platonis, qui id affirmauit, cui erant dediti, in eam iuisse sententiam arbitrantes se sufficienter exponere testimonia Scriptura, qua in contrarium tunc occurrerat, & prout eo tempore expendebantur. Præterea ducti posteriores autoritate priorum, quam meritò grauem iudicabant, tam multi in eam iuere sententiam, donec contraria, exp̄s profundiū testimoniis variis Scriptura sacra, elucere cœpit. Vnde nullus eorum tamquam rem certam fecutus est eam sententiam, sed solum tamquam rationi magis consentaneam, vt corum dicta exp̄ndenti erit manifestum. Deinde negandum est, in Scripturis non esse solidum fundamentum: vnde Ecclesia ( cuius est de vero, ac legitimo sensu Scripturarum iudicare ) id meritò tamquam certum in fide potuerit stabilire: testimonia namque, quæ adduximus & expendimus, ad id sunt sufficientissima. Ad id verò, quod ex Augustino & Theodoreto adducitur, dicendum est, Patres illos ante Ecclesiæ definitionem, testimoniis Scripturarum nondum satis exp̄nis & examinati, tōtiusq; aliis grauissimis Patribus contrarium assertibus meritò eo tempore id asseverasse. Contrarium verò hodie proculdubio affirmarent, si modò viuerent.

Ad secundam dicendum est, nemini id mirum videri debere: saepè namque similia eueniunt, vel Doctoribus ad id non attendentibus, vel non auditibus se profiteri primos damnatores, præfertim cum D. Thomas autoritas, tot grauissimorum Patrum sententiam ab errore excusaverit. Adde, temporibus illis non adeò deditos fuisse Doctores, vt circa quānque sententiam expenderent, qua nota afficienda esset, vt nostra tempestatis Doctores faciunt.

E Supereft respondeamus ad argumenta, quibus Ad primum suadebatur Angelos ante mundum corporeum fuisse solum argu- mentorū quæ tua ostende- batur, Ange- tempora secularia intellexisse, tempora plurima fa- los ante mū- dum condic- tos esse.

dictum est, Paulum ad Titum 1. per artic. 3. dictum esse, Paulum ad Titum 1. per tempora secularia intellexisse, tempora plurima facta, scilicet verò esse periodum durationis eius, cuicunque rei, vt ibi ostensum est: vnde sensus illorum verborum est: *Quam promiserat* ( Patribus videlicet Testamento veteris, ac legis natura ) ante multa saecula, seu ante periodos durationis ac vitæ multorum hominum. Dictum est etiam ab aliis expōni, *Quam promiserat*, id est, in semetipso dare statuerat, ac prædefinierat, ante tempora secularia, id est, ex exterritate variisque aliis modis eundem locum expōni.

Totidem modis exponi potest secundum testimoniū, nempe gratiam, quæ manifestata est per illuminationem Salvatoris, datâ esse nobis ante tempora secularia, per nudam promissionem factam tunc Patribus, iuxta illud Zacharie Luca 1. *Infirmandum, quod iuravit ad Abraham patrem nostrum,* daturum se nobis, vt sine timore de manu inimicorum nostro

Ecc 4 nostro

nostrorum liberati. seruiamus illi in sanctitate & iustitia. At verò datum ita esse nobis, tamen absque traditione usque ad Christi adventum: promissio namque, præfertim ea, quia firma est & certa, datio atque donatio dicitur, etiam ante traditionem, sumpto tamen latius vocabulo. Exponi etiam potest, datum fuisse nobis, id est, constitutum dari ante tempora secularia, id est, ex aeternitate.

*Ad secundum.*

Quod ad secundum argumentum attinet, septuaginta Interpretes in hunc modum transferunt locum illum: *Quando facta sunt astra, laudaverunt me vox magna omnes Angeli mei.* Eamque lectionem fecuti ferè omnes Patres illi, qui Angelos ante mundum corporeum conditos esse affirmant, ex eo loco ea ratione suam colligunt sententiam, quasi astra vna cum mundo corporeo sint condita, Angelique debuerint fabricam astrorum præcedere, ut quando astra Deus condebat, ex eorum opificio ipsum laudarept. At neque astra simul cum mundo corporeo esse cœperunt, quandoquidem quarta die à Deo fuerunt producta, vt Genef. i. Scriptura aperte docet: nec verò sic cum mundo corporeo esse cœpissent, præberent ansam sufficientem, vt inde illa tentativa colligeretur. In quo enim momento Angeli conditi fuerunt, ex sui, & ceterarum rerum creaturarum contemplatione assurgere optimè potuerunt in laudem Dei, rēque ipsa affurrexerunt. Quod ad editionem vulgatam attinet, ab illi verbis: *Cum me laudabant simul omnia astra matutina*, distincta est interrogatio, unde supplēdūm, repertendūmque est: *Vbi eras cùm me laudabant simul omnia astra matutina*, id est, matutino tempore ante lucem solis apparent, quando aduentante iam die iucundior est eorum aspectus, & iubilarent omnes filii Dei, id est, omnes Angelii iusti: & quasi dicat, nūquam tūc eras. Porrò laus illa astrorum, metaphorica est communis omnibus creaturis cognitione parentibus, eo modo quo de celis dicitur: *Cæli enarrant gloriam Dei, & opera manuum eius annunciat firmamentum, Dies dei eructat verbum, &c. & sæpi in Psalmis creatura omnes ad laudem Dei inuitantur: ex illis autem verbis nequam colligitur Angelos ante mundum corporeum fuisse factos.*

*Ad tertium.*

Ad tertium dicendum est, Luciferum ea ratione fuisse principium viarum Dei, quod nulla creaturam eum duratione antecesserit, & quod ipse prælatione perfectionis & dignitatis cæteras antecesserit.

*Ad quartum.*

Ad quartum quamvis dīcī posset, sapientia etiam creatam Angelorū, ea ratione post affirmari fuisse primò creatam, quod nihil ante eam creatum fuerit, quodque (simul cum subiecto spectata) cætera dignitate antecedat, dicendum tamen est, locum illum de sapientia sumpta pro Filio Dei esse intelligendum: dici verò creatam, hoc est, productam ante omnia: quo pacto verbum, *creare, sæpe usurpatum.*

*Ad primam partē quinti argumenti.*

Ad primam partem quinti argumenti, dicendum est, si quicquam probaret, probaturam etiam hominem conditum esse ante cæteras res corporeas, & cælos ante terram, & ita de reliquis rebus, quæ alias dignitate antecedunt, quod tamē constat esse falsum. Pulchritudo autem vniuersi postulabat, vt omnia simul conderentur, nisi Deus sua sapientia & arbitrio elegisset res corporeas sex primis diebus fabricare propter rationes in tractatu de opere sex dierum reddendas, & propter alias, quas ipse melius, quam nos, habet cognitas & perfectas.

*Ad secundū.*

Ad secundam partem dicendum est, cū à quo cumque pūcto durationis imaginaria, in quo Deus Angelos condiderit, præcesserit infinita duratio, in

A qua nihil condidit, ac administravit, eamdem vim habere argumentum, siue quis dicat Angelos simul cum mundo corporeo, siue ante mundum corporeum fuisse conditos: quare cū hæreticum sit affirmare Angelos ex aeternitate fuisse conditos, constat argumentum nullam vim habere. Præfertim cū ex creatione & administratione rerum nihil, vel commodi, vel perfectionis Deo accrescat.

#### ARTICVLVS IV.

*Virum Angeli sint creati in celo Empyreo.*

**C**OMMUNIS conclusio Scholastico-  
rum est, Angelos in celo empyreo vna  
cum illo fuisse creatos. Eam affirmant  
etiam Beda cum Strabone super illud  
Genef. i. *In principio creauit Deus cælum & terram.*  
Et plerique alij, potestque probari creatos esse in  
celo ex illo ad Coloss. i. *In ipso condita sunt uni-  
uersa in celo & in terra, siue Throni, siue Domina-  
tiones, &c.* Præterea quia angelii mali in celo pec-  
cauerunt, & de celo corruerunt, vt articulo præce-  
denti multis ostensum est, quare in eo erant, & in  
eo conditi sunt. Cū autē simul cum mundo cor-  
poro sint conditi, neque statim à principio Deus  
orbis mobiles creauerit, fit, vt in celo Empyreo  
sint cōditi, quod nomine celi Genef. i. intelligitur,  
dum dicitur: *In principio creauit Deus cælum & ter-  
ram: fit etiam vt Angeli, qui orbis cœlestes mouent,  
in celo Empyreo sint conditi vna cum cæstis An-  
gelis, inde verò descenderint ad mouendum orbis  
sibi commissos, cū primum orbis conditi sunt, &  
moueri coepérunt. Et forte descensus ille, & depu-  
tatio Angelorum ad mouendos orbis, fuit post fi-  
nitam Angelorum viam, atque adeò post peccatum  
quorundam, & beatitudinem reliquorum. Quod si  
fuit ante finitam eorum viam, eos Deus sua prouid-  
entia deputauit, quos prævidit pro sua libertate  
non lapsuros.*

#### QVÆSTIO LXII.

De perfectione Angelorum in esse  
gratia & gloria.

#### ARTICVLVS I.

*Virum Angeli fuerint in sua creatione beati.*

**R**IMA conclusio est. Angelii statim, <sup>1. Canticum</sup> ac creati sunt, fuerunt beati beatitudine <sup>Angeli</sup> naturali, quæ in ea cognitione & con-  
templatione Dei optimi maximæ, quæ in <sup>2. Cantico</sup> instanti, in quo creati sunt, seipso perfectè cognoverunt, & in seipso causam primam Deum optimum maximum, à quo conditi sunt, attributum que omnia, <sup>3. Cantico</sup> F quæ de eo naturaliter cognosci valent.

Secunda conclusio. Angelii non fuerunt creati beati beatitudine supernaturali, quæ in visione diuinæ essentiae consistit: quoniam ab hac fænæ adde-  
pta nullus decidere potest: Angelii autem mali deci-  
derunt ab eo statu, in quo conditi sunt, vt ex Scri-  
pturis sanctis constat ergo non fuerunt in eo beatitudinis statu producti.

Sunt tamen nonnulla animaduertenda. Primum  
est. Licet omnes Angelii (etiam qui corruerunt)  
fuerint